

## REGLUGERÐ

### um breytingu á reglugerð um skoðun ökutækja, nr. 378 29. júní 1998.

#### 1. gr.

Ákvæði til bráðabirgða í viðauka II orðist svo:

Til 31. desember 1999 er heimilt að:

- skoða bifreið sem er meira en 3.500 kg að leyfðri heildarþyngd á skoðunarstofu II sem hefur tæki til að mæla hemlunarvirgni í akstri, sbr. 3. gr., enda sé fjarlægð að næstu skoðunarstofu I yfir 35 km,
- skoðunarstofa II, endurskoðunarverkstæði og annað verkstæði, þar sem skoðunarstofa annast skoðun ökutækja, og skoðunarstofa I utan höfuðborgarsvæðisins og Akureyrar, sé ekki búin tæki til að mæla reykþykkni frá dísilhreyfli bifreiðar,
- endurskoðunarverkstæði og annað verkstæði, þar sem skoðunarstofa annast skoðun ökutækja, sé ekki búin hreyfiplötu og hljóðstyrksmæli.

Til 31. desember 2005 er heimilt að skoðunarstofur á skoðunarsvæði í Vestfjarðakjördæmi séu í flokki II, enda verði séð fyrir viðunandi aðstöðu til að mæla hemlun ökutækja sem eru yfir 3.500 kg.

#### 2. gr.

Reglugerð þessi sem sett er samkvæmt 60. og 67. gr. umferðarlaga nr. 50 30. mars 1987, sbr. lög nr. 44 7. maí 1993, öðlast gildi 1. janúar 1999.

*Dóms- og kirkjumálaráðuneytinu, 23. desember 1998.*

**Þorsteinn Pálsson.**

*Benedikt Bogason.*

## REGLUGERÐ

### um breytingu á reglugerð um vöruhappdrætti Sambands íslenskra berklasjúklinga, nr. 372 25. október 1976, með síðari breytingum.

#### 1. gr.

Við reglugerðina bætist svo hljóðandi:

*Ákvæði til bráðabirgða.*

Ákveða má að í 10. flokki 1999 skuli að loknum útdrætti samkvæmt a) - f) liðum 1. mgr. 13. gr. draga sérstaklega út tiltekinn fjölda vinninga þannig að valdar eru tveggja stafa tölur.

Valið fer fram með notkun átta hólfa stokks og er sú tala, sem fram kemur og síðustu tveir stafir mynda, skráð. Lesið skal frá þeim enda stokksins sem fjær er snúningshnúð. Val er endurtekið þar til tilskilinn fjöldi talna hefur fengist. Tölnurnar verða hluti af vinningaskrá, en þær vísa til síðustu tveggja tölustafa í hverju miðanúmeri. Þau miðanúmer sem þannig er vísað til eru vinningsnúmer.

2. gr.

Reglugerð þessi sem sett er samkvæmt lögum um vöruhappdrætti Sambands íslenskra berkla sjúklinga, nr. 18 22. apríl 1959, öðlast gildi 1. janúar 1999.

*Dóms- og kirkjumálaráðuneytinu, 21. desember 1998.*

F. h. r.

**Þorsteinn Geirsson.***Jón Thors.***AUGLÝSING****um nýtt deiliskipulag frístundabyggðar í landi Brekkubæjar á Hellnum, Snæfellsbæ.**

Samkvæmt skipulags- og byggingarlögum hefur bæjarstjórn Snæfellsbæjar þann 19. júní 1998 samþykkt nýtt deiliskipulag frístundabyggðar í landi Brekkubæjar á Hellnum, Snæfellsbæ.

Deiliskipulagið tekur til svæðis norðan heimreiðar að Brekkubæ og austan þjóðvegur og gerir ráð fyrir 33 húsa sumarhúsabyggð.

Greinargerð og uppdráttur hafa hlotið þá meðferð sem skipulags- og byggingarlög mæla fyrir um. Deiliskipulagið öðlast þegar gildi.

*Snæfellsbæ, 22. desember 1998.*

*Bæjarverkfræðingur Snæfellsbæjar,*

**Örn T. Johnsen.****TILKYNNING****nr. 5/1998 um flutningsjöfnunargjald á olíuvörum.**

Á grundvelli laga nr. 103/1994 um jöfnun á flutningskostnaði olíuvara tilkynnir Samkeppnisstofnun að flutningsjöfnunargjald á neðangreindum olíuvörum er sem hér segir frá og með 1. janúar 1999 og gildir gjaldið þar til annað verður ákveðið.

Bifreiðabensín	0,80 kr. á lítra
gasolía	0,90 kr. á lítra
aðrar olfur og blöndur til brennslu	0,75 kr. á kg
flugvélabensín	0,20 kr. á lítra
flugsteinolía (þotuelsneyti)	0,05 kr. á lítra

Samkvæmt 3. gr. laga nr. 103/1994 um jöfnun á flutningskostnaði olíuvara skulu dreifingaraðilar samkvæmt 1. gr. laganna, aðrir en þeir sem annast innanlandssölu á olíu í öllum landshlutum, greiða flutningsjöfnunargjaldið við innheimtu aðflutningsgjalda miðað við